

«ՎՐԱՍՏԱՆԸ» 100 ՏԱՐԵԿԱՆ Է

ՊԱՏԿՈՎ ԱՆՑԱԾ ՄԵԿՂԱՐՅԱ ՈՒՂԻ

(Սկիզբը՝ 1-ին էջում)

ավանդն ու ներդրումը բարձր է գնահատվել վրաց հասարակայնության, Վրաց Ուղղափառ եկեղեցու, ինչպես նաև Հայ Առաքելական եկեղեցու կողմից, որի Հայրապետ, Ամենայն Հայոց կաթողիկոս Գարեգին Երկրորդը իր շնորհավորական ուղերձում պարոն Վանին բնութագրեց՝ որպես վրաց-հայկական միջպետական եւ միջեկեղեցական հարաբերությունների հուսալի կամուրջ:

«Վրաստան» թերթի եւ նրա խմբագրակազմի հետ կապեր եւ ունեցել, երբ աշխատում էի Թբիլիսիի Պուշկինի (այսօր՝ Սուխան-Սաբա Օրբելիանու անվան, այժմ՝ Իլիայի համալսարան) անվան մանկավարժական ինստիտուտում: Հիշում եմ, թե ինչ ոգեւորությամբ էին ուսանողներն ընթերցում թերթը, ինչ մեծ ուշադրություն էր հատկացնում թերթի

գլխավոր խմբագիրը համալսարանի հայկական բաժնի ուսանողներին, ինչպես էր նպատակամղված գործում մեր երկրի ազգությամբ հայ քաղաքացիների վրաց հասարակության մեջ լիարժեք ինտեգրման համար:

Ցանկանում եմ շնորհավորել «Վրաստան» թերթին, նրա ճանաչված գլխավոր խմբագիրն՝ իմ ավագ ընկեր Վան Բայրուրյանին հոբելյանական տարեդարձի առթիվ եւ մաղթել նորամուտ հաջողություններ: Այսօր, առավել քան երբեք, անհրաժեշտ է օբյեկտիվ, արդարացի տեղեկատվության տարածում: Այսօր առավել քան երբեք, գնահատելի է մեր բազմադարյա բարեկամության ամրացումն ու խորացումը:

ՍԵՐՊՈ ՎԱՐՊՈՍԱՆԻՉԷ

Վրաստանի Պատրիարքության Սուրբ Անդրիաս Առաքյալի անվան վրացական համալսարանի ղեկավար, պրոֆեսոր

ՀՈԲԵԼՅԱՆԴ ՇՆՈՐՀԱՎՈՐ, ՍԻՐԵԼԻ «ՎՐԱՍՏԱՆ»

(Սկիզբը՝ 1-ին էջում)

Դժվարանում եմ թվարկել բոլոր այն հարցերը, որոնց լուծման գործում անժխտելի ու անզնահատելի էր թերթի դերը, այն հարցերի, որոնք, իրոք, կենսական նշանակություն ունեին ծավալացիների, ողջ շրջանի համար:

Այսօր կենսաթոշակառու եմ, թեև տարիների ընթացքում մշակված սովորության համաձայն, «չեմ կարող հանգիստ նստել», չեմ պատկերացնում իմ առօրյան առանց մարդկանց հետ շփումների, շուրջբոլորը կատարվող իրադարձությունների գնահատման: Եվ պետք է ասեմ, որ դրանում մեծ դեր է կատարում ներկայիս «Վրաստանը»: Այն, ճիշտ է, ամենօրյա թերթից վերածվել է շաբաթաթերթի, բայց համոզված եմ, որ շուտով կգա ժամանակը, եւ «Վրաստանը» կվերականգնի իր լույսը մայրաքաղաքում: Գնայած հիմա էլ, հաստատված ավանդույթի հա-

մաձայն, կարողանում է, թեկուզե փոքր ծավալներով, հակիրճ տեղեկատվություն ներկայացնել ինչպես Վրաստանում ու Հայաստանում, այնպես էլ աշխարհում տեղի ունեցող իրադարձությունների մասին: Հաճախ եմ տպագրվում նյութեր նաեւ մեր երկրամասի, նրա բնակիչների, ծավալացիներին հուզող հիմնախնդիրների մասին:

Սիրելի «Վրաստան», շնորհավոր հոբելյանդ, քո 100-ամյա բարձունքից շարունակիր տասնամյակներ առաջ ստանձնած պարտավորությունների կատարումը:

«Վրաստանի» մեկդարյա հոբելյանի առթիվ շնորհավորում եմ ոչ միայն «Վրաստանցիներին», այլևս ողջ վրահայությանը: Չմոռանանք, որ «Վրաստանը» եղել է եւ կմնա մեր վրահայության հայելին:

ՎԱՐՊՈ ԵՂՈՅԱՆ

Ծավալայի մուսիցիպալիտետի վարչության նախկին փոխնախագահ

ՀԱՐՑԱԶՐՈՒՅՑ

ՄԱՆՐԱՆԿԱՐԶՈՒԹՅԱՆ ՆՎԻՐՅԱԼԸ



Օրերս Հայաստանի Հանրապետության կրթության, գիտության, մշակույթի եւ սպորտի նախարարության կողմից, թբիլիսից մանրանկարչուհի Գոհար Հակոբյանին շնորհվել է ժողովրդական վարպետի կոչում:

Գոհար Հակոբյանը մասնագիտությամբ տնտեսագետ է, թեև երբեք չի մոռացել մանկուց նախընտրած ուղղությունը՝ մանրանկարչությունը, որին նվիրաբերում է իր ողջ ազատ ժամանակը: Նկարել սկսել է դեռևս փոքր հասակից, իսկ մանրանկարչությամբ զբաղվում է արդեն հասուն տարիքում: Ունեցել է մի շարք ցուցահանդեսներ, անցկացրել դասընթացներ: Նրա մի քանի աշխատանքներ կարելի է տեսնել Թբիլիսիի հայկական եկեղեցիներում:

- Տիկին Գոհար, խնդրում ենք հակիրճ պատմել Ձեր մասին, ինչի՞ համար Ձեզ շնորհվեց

ժողովրդական վարպետի պատվավոր կոչում:

- Մանկուց սիրում էի նկարել, գեղանկարչության հմտությունները սովորեցրել է մեր հարեանը՝ թբիլիսահայ հասարակայնությանը քաջածանոթ դպրոցի ուսուցիչ Խաչատուր Կասարի Գեորգյանը: Շատ բարի անձնավորություն էր, որը մեծ հռչակ ձեռք բերեց իր թբիլիսյան պատմական տարբեր շենքերի մանրանկարչությունը: Նկարիչ դառնալու մտադրություն չունեի, ցանկանում էի բժիշկ դառնալ: Տեղի բժշկական ինստիտուտն ընդունվելու մի շարք փորձերից հետո հասկացա, որ այդ բուհի դռները բաց են երջանիկների կամ էլ արտոնյալ ընտանիքի գավակների համար: Իսկ ես հյուսնի եւ տնային տնտեսուհու դուստր էի: Հայրս գեղարվեստական նուրբ ճաշակ ուներ, շատերն էին հիանում նրա աշխատանքներով, ըստ երեւույթի, նրա ստեղծագործական ջիղը որոշակիորեն փոխանցվել է նաեւ ինձ: Գակատագրի բերումով դարձա տնտեսագետ: Խորհրդային տարիներին տնտեսագիտությունն ինձ այնքան էլ չէր գրավում եւ այդ համակարգի տապալումից հետո, հեշտությամբ անցա նկարչության:

- Եվ անմիջապես սկսեցիք զբաղվել մանրանկարչությամբ:

- Մանրանկարչությամբ սկսեցի զբաղվել ավելի հասուն տարիքում: Սկզբում հիմնականում նկարում էի նատյուրմորտներ ու բնանկարներ՝ օգտագործելով ծնողներիս նվիրած գունամեղակները: 90-ական թվականներին ինձ ձգեց կրոնը: Լինում էի քրիստոնեական տարբեր ուղղությունների եկեղեցիներում՝ փորձելով ընկալել դրանց տարբերությունները: Բնականաբար, հոգեպես ինձ ավելի մոտ ու հարազատ դարձավ Հայ Առաքելական Ուղղափառ եկեղեցին: Հենց այդ ժամանակ էլ սկսեցի զբաղվել մանրանկարչությամբ՝ ոգեւորվելով հայ մեծ մանրանկարիչ նախնիների՝ Թորոս Ռուսիկի եւ Գրիգոր Մլիչեցու թողած ժառանգությամբ: Միշտ, երբ եղել եմ երեւանում, մեծ հուզմունքով այցելել եմ Մատենադարան, երկար ժամանակ ոգեւորվել՝ հնագույն սրբանմուշների վրա նրանց կատարած աշխատանքներով:

- Այն ժամանակ հայ մանրանկարիչներն օգտագործում էին որդան կարմիրը, որն ստանում էին Արարատյան դաշտավայրի որդերից: Իսկ Դո՞ւք:

- Չեմ կարծում, թե որեւէ մեկն այժմ օգտագործի այդ բացառիկ էկզոտիկ ներկանյութը, գուցե միայն նկարիչ-վերականգնողները: Ես օգտագործում եմ բարձրորակ ջրաներկեր:

- Իսկ ո՞վ է եղել մանրանկարչության ոլորտում Ձեր ուսուցիչը:

- Մեծ թվով նկարիչ բարեկամներ ու ծանոթներ ունեմ եւ նրանցից յուրաքանչյուրից վերցրել եմ, յուրացրել մասնագիտական այս կամ այն նրբությունը: Որեւէ մեկին առանձնացնել չեմ ցանկանում, քանի որ բոլորին թվարկելն անհնար է:

- Հետաքրքիր է՝ որքա՞ն ժամանակ է անհրաժեշտ մանրանկարի ստեղծման համար:



- Որքան էլ տարօրինակ լինի, ասեմ, որ որքան փոքր է մանրանկարի չափը, այնքան շատ ժամանակ է պետք է դրա ստեղծման համար: Երբեմն դա ինձ մոտ տեւում է երեք ամիս: Չէ՞ որ հարկ է Աստվածաշնչյան այս կամ այն կերպարին հաղորդել դեմքի պատշաճ արտահայտություն: Առանց Աստվածաշնչի խոր իմացության, դա անհնար է անել, հակառակ դեպքում՝ կատարածը կլինի ձեւական եւ անկենդան:

- Իսկ ե՞րբ եւ որտե՞ղ են անցկացվել Ձեր ցուցահանդեսները:

- Իմ առաջին մեծ ցուցահանդեսը անցկացվել է Վիրահայոց թեմի «Հայարտուն» մշակութային կենտրոնում: Այնուհետեւ, Վրաստանի խորհրդարանի ազգային գրադարանը իմ գործերին տրամադրեց կենտրոնական դահլիճը: Նրանք գտան, որ իմ գործերի հետ պետք է ժանոթացնել վրաց հասարակայնությանը, չէ՞ որ հայ եւ վրաց մանրանկարչությունները պատմական խորին արմատներ ունեն: Այն ժամանակ էլ իմ ստեղծագործությունը բարձր գնահատեց արվեստագիտության դոկտոր Նինո Քավթարիան, հենց այդ ժամանակ էլ ծագեց Հայաստանում ցուցահանդես կազմակերպելու գաղափարը: Առանց կեղծ համեստության խոստովանեմ, երբ այցելում էի Մատենադարան, այն ժամանակ էլ երազում էի ցուցահանդես կազմակերպել այնտեղ:

Եվ մի անգամ համարձակվեցի, գրանցվեցի Մատենադարանի տնօրեն Վահան Տեր-Ղեւոնդյանի մոտ ըն-

դունելության: Ձրույցը շարունակվեց 40 րոպե, եւ արդյունքում ստացա Մատենադարանի ֆոնդում պահվող մանրանկարների հարուստ հավաքածուի մասին նրա հուշագրով թերթիկը: Թեպետ ցուցահանդես կազմակերպել չհաջողվեց, ինչպես ասացին՝ այնտեղ մնան բաներ ընդունված չեն: Փոխարենը մեկ շաբաթվա ընթացքում իմ գործերը ցուցադրվեցին Երեւանի Հովհաննես Շառնաբյանի անվան ժողովրդական ստեղծագործության թանգարանում, որտեղ ես դասընթաց անցկացրեցի նույնիսկ տեղի դպրոցականների հետ: Այդ հարցում մեծ օգնություն ցուցաբերեց «Լուվա ծոր» համայնքի նախագահ Սերգո Երիցյանը, որի հետ ես նույնիսկ ծանոթ չէի, նրա նկատմամբ իմ խորին երախտագիտության հետ միասին ցավով եմ հիշում իմ բավականին ազդեցիկ ծանոթների պասիվությունը, ովքեր ունեին Երեւանում իմ ցուցահանդեսների կազմակերպմանն աջակցելու հնարավորությունը: Արդյունքում, Շառնաբյանի անվան թանգարանում իմ մեկշաբաթյա ցուցահանդեսից հետո, Հայաստանի մշակույթի նախարարության ներկայացուցիչներն ինձ առաջարկեցին պատրաստել անհրաժեշտ փաստաթղթերը «Հայաստանի ժողովրդական վարպետների ընկերության» անդամակցության համար: Ես դա պատիվ համարեցի, չէ՞ որ մնան կոչում շնորհվում է տարեկան ընդամենը մի մարդու՝ նրա գործունեության ոլորտին համապատասխան:

- Ամոռանալի է Ձեր սլայդ-շունջ Հայաստանի եւ Արցախի գեղատեսիլ բնության եւ պատմական բարձրարժեք նշանակության տարբեր տարածաշրջանների մանրամասն նկարագրությամբ:

- Դեռ մանկուց տարված էի ճանապարհորդության մոլուցքով, ուղեւորությունների ժամանակ ես հոգեպես հանգստանում եմ, բոլորից շատ ինձ գրավում եւ սովորական հայկական գյուղակները, տեղի շարքային բնակիչների հետ առնչությունը: Դրանք բաց են, մաքուր ու անկեղծ: Ինձ առանձնակի գրավում է Ախուրյանի մոտակայքի հարազատ Չրախի գյուղակը: Այստեղ ընտանիքներից մեկում պահվում է 500-ամյա մի Ավետարան: Այն հայտնաբերվել է պատերից մեկի շարվածքում, որի գտնվելու վայրը երազում տեսել է տեղի հոգեւորական Տեր Ներսեսը: Գիրքը արտագրել է Վանա լճի ափին գտնվող Արծեշ գյուղի քահանա Տեր Աբրահամը: Այսօր այն խնամքով պահվում է Աշխեն տատի ընտանիքում: Շատերն են հյուր գալիս նրանց, առնչվում սրբանմուշին, որն ինչպես պնդում են ուխտագնացները, ունի բուժիչ հատկություն:

- Ձեր երկարատեւ ուղեւորությունները ֆինանսավորվո՞ւմ են որեւէ մեկի կողմից:

- Ոչ, ամեն ինչ իմ հաշվին է:
- Ձեր առաջիկա ծրագրերը:
- Ամենադժվար հարցն է: Նախ՝ պետք է սպասել կորոնավիրուսի համավարակի ավարտին, իսկ դա երբ կավարտվի, ոչ ոք չգիտի: Ներկայումս աշխատում եմ հերթական մանրանկարի վրա:
- Մտղոն եմ Ձեզ եւ ընդհանրապես բոլորիս շուտափույթ վերադարձ բնականոն կյանքին, առանց պաշտպանիչ դիմակների եւ ինքնամեկուսացման:
- Տա Աստված:

Ձրույցը վարեց ԱՐՏԵՄ ԿԻՐԱՎՈՉՈՎԸ

COVID - 19

ՀԱՄԱՃԱՐԱԿԱՅԻՆ ԸՆԴՀԱՆՈՒՐ ԻՐԱՎԻՃԱԿԸ ԲԱՐԵՆԱՎՈՒՄ ԵՆ ԵՆԵՐԴՐՎԱԾ ՍԱՀՄԱՆԱՓՈՎԱԿՈՒՄՆԵՐԸ ՄԵՂՄԱՅՎՈՒՄ ԵՆ

ՏԵՂԱՇԱՐԺԻ ՍԱՀՄԱՆԱՓՈՎԱԿՈՒՄԸ ԺԱՄԸ 21:00-Ի ՓՈՒՆԱՐԵՆ, 23:00-ԻՑ 05:00-Ն Է

(Սկզբը՝ 1-ին էջում)

Միևնույն ժամանակ, միջ-գերատեսչական խորհուրդը զգուշացնում է, որ կրկին ուժի մեջ են մնում ճանապարհորդության ժամանակ հաստատված սահմանափակումները, ինչը ենթադրում է պաշտպանիչ դիմակով ճանապարհորդելու անհրաժեշտություն: Բացի այդ, վարակի տարածումը կանխելու նպատակով, կշարունակվի քաղաքային տրանսպորտի ամենօրյա ախտահանումը հատուկ ախտահանիչ լուծույթներով:

րոնի դեկավար Ամիրան Գամրելիձեն նշեց, որ սույն որոշումը կայացվել է երկրում որոշ սահմանափակումներ մեղմացնելու նպատակով: Երա խոսքով, համավարակաբանական իրավիճակին զուգահեռ, կարելի է հաշվի առնել բնակչության տրամադրությունը:

- Մենք որոշակի մեղմացումները վերագրում ենք մի քանի գործոնների: Ըստ մեր տվյալների եւ Առողջապահական չափումների ինստիտուտի կանխատեսման, մենք այժմ անցնում ենք զագաթնակետը: Երկրորդ, հասարակության մեջ լուրջ մտահոգություն կա գիշերային կարանտինի վերաբերյալ, հատկապես մայիսին, երբ արդեն

եղանակը լրջորեն տաքացել է: Դռնեւս ամբողջական մեղմացումն անթույլատրելի է, քանի դեռ համավարակաբանական իրավիճակը լրջորեն չի համընդարձակվել, մյուս կողմից, կարելի է հաշվի առնել բնակչության տրամադրությունը: Այդ պատճառով գտանք ուկե միջինը, որը նվազեցնում է տեղաշարժի սահմանափակման տեսությունը: Բացի այդ, Հիվանդությունների վերահսկման ազգային կենտրոնի հանձնարարական էր, խստացնել վերահսկողությունը հարկադիր կատարման վրա: Մենք պետք է նաեւ խստացնենք այն հանձնարարականների մոնիթորինգը, որի մասին ամբողջատ խոսում ենք: ասաց Ամիրան Գամրելիձեն:

ԿՈՐՈՆԱՎԻՐՈՒՄ.

ԱՆԽԱՐՀՈՒՄ ՎԱՐԱԿՎԱԾՆԵՐԻ ԹԻՎԸ ԳԵՐԱՉԱՆՅՆՅՑ 166 ՄԻԼԻՈՆԸ

COVID-19-ի հաստատված դեպքերի թիվն աշխարհում անցել է 166 138 802-ից: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 3 449 099-ը: Ապաքինվել է 146 միլիոն 885 հազար 895 մարդ:



Վարակվածների թվով աշխարհում առաջին տեղում ԱՄՆ-ն է, որտեղ կա հաստատված 33 833 794 դեպք: Այստեղ մահացածների թիվը 602 632 է, երկրորդ տեղում ԴՆկաստանն է, որտեղ հաստատված դեպքերի թիվը հասել է 26 217 125-ի, մահացածներից՝ 293 418-ի:


Վարակվածների թվով հաջորդ տեղում Բրազիլիան է: Այստեղ վարակվել է 15 898 558, մահացել՝ 444 391 մարդ: Ֆրանսիայում կորոնավիրուսով վարակվել է 5 568 551, վարակի հետեւանքով մահացել՝ 108 314 մարդ: Ֆրանսիային հաջորդում են Թուրքիան, Ռուսաստանը, Մեծ Բրիտանիան, Իտալիան, Գերմանիան ու Իսպանիան:

Հայաստանում, ընդհանուր առմամբ, վարակվածների թիվը հասնում է 221 699-

ի, մահացածներից՝ 4 371-ի, ապաքինվածներից՝ 210 464-ի:

Ադրբեջանում վարակվածների թիվը կազմում է 331 883 մարդ: Վարակից մահացել է 4 839, ապաքինվել՝ 319 271 մարդ: Վրաստանում, վերջին տվյալներով, վարակվել է 335 769, մահացել՝ 4 569, ապաքինվել՝ 316 389 մարդ:

Մայիսի 21-ին կորոնավիրուսով վարակման 1064 նոր դեպքերից 543-ը Թբիլիսիում է, Աջարիայում՝ 125, Իմերեթիում՝ 99, Քվեմո Քարթլիում՝ 62, Շիրա Քարթլիում՝ 25, Գուրիայում՝ 7, Սամեգրելո-Չենո Սվանեթիում՝ 104, Կախեթիում՝ 47, Սցխեթա-Մթապետիում՝ 17, Ռաճա-Լեչխումիում եւ Քվեմո Սվանեթիում՝ 17, Սամցխե-Ջավախեթիում՝ 18:



ՈՐՊԵՄՅԻ ԶՎԱՐԱԿՎԵՍ, ԿԱՐԴԱ ԱՅՍ ՀԱՐՅԱԶՐՈՒՅՑԸ ԵՎ ԱՆՊԱՅՄԱՆ ՊԱՏՎԱՍՏՎԻՐ

ՊԱՍՏԱ ԻՍՆԱՁԵ. «ՈՂՋՈՒՆԵԼԻ Է՝ ՄԱՐԴԻԿ ԶԱՄՈՋՎԵՑԻՆ, ՈՐ ՊԱՏՎԱՍՏՈՒՄ ԱՆՐԱԾԵՇՏՈՒԹՅՈՒՆ Է»

- * Ո՞ր պատվաստանյութն է գերադասելի.
- * Ի՞նչ տարբերություն կա «Sinovac»-ի եւ «Sinopharm»-ի միջեւ.
- * Չինական պատվաստանյութի կողմնակի ազդեցությունը պակաս է.
- * Առաջին եւ երկրորդ պատվաստումների միջեւ ընկած ժամանակահատվածում որքա՞ն է վարակվածների թիվը.
- * Պատվաստման ժամանակ թույլատրելի՞ է տարբեր հիվանդությունների դեմ դեղորայքի ընդունումը.
- * Ե՞րբ կարող ենք համոզված լինել, որ «ամեն ինչ անցել» է:

Ահա այն հարցերը, որոնք, դատելով «Վրաստանի» խմբագրական փոստից, առանձնակի հետաքրքրում են մեր ընթերցողներին, հասարակությանը, եւ որոնց պատասխաններից մեծապես կախված է կորոնավիրուսի դեմ պայքարի դրական ընթացքը: Վերոնշյալ հարցերը մենք հասցեագրեցինք Վրաստանի հիվանդությունների վերահսկողության ազգային կենտրոնի փոխտնօրեն ՊԱՍՏԱ ԻՍՆԱՁԵՆԻ:

- Բատոնո Պատաս, պատվաստումն անցնելու կայքում գրանցման գործընթացը բավականին ակտիվացել է: Ի՞նչ կասե՞ք այդ մասին:

- Ողջունելի փաստ է, մարդիկ համոզվեցին, որ պատվաստումն անհրաժեշտություն է, եւ ուրախ են, որ այն ուղբերգությունից հետո, որը տեղի ունեցավ պատվաստման գործընթացի մեկնարկին, գործընթացը կրկին ակտիվացավ: Պատվաստումն անցնելու համար բացվում են նոր կլինիկաներ, եւ այն վերապահվում է այն հաստատությանը, որը դրանում իրավասու է, այսինքն՝ առողջապահության առաջնային կենտրոններին:

- Պատվաստման գործընթացն ակտիվացել է, սակայն որքանո՞վ է դա բավարար, որպեսզի մինչեւ տարեվերջ բնակչության 65 տոկոսն անցնի պատվաստում:

- Պատվաստման տեմպերը դեռեւս հեռու են բավարար լինելուց, սակայն հուսով ենք, որ պատվաստումների թիվը կավելանա, եւ կգործարկվեն պատվաստման նոր տարածքներ: Ներկա դրությամբ, պատվաստում է անցնում 3-4 հազար մարդ, ամռանն այդ թիվը պետք է ավելանա:

- Այսօրվա դրությամբ, երկրում արդեն կա մի քանի տեսակի պատվաստանյութեր՝ «Pfizer», «AstraZeneca»-ի երկու տարբերակները, չինական «Sinopharm»: Բանակցություններ են տարվում չինական երկրորդ պատվաստանյութի՝ «Sinovac»-ի ներկրման հարցով: Ո՞ր պատվաստանյութն է գերադասելի:

- Ինչպես նշել է Էնտոնի Ֆաուչը, այն պատվաստանյութն է գերադասելի, որով պատվաստվել ես, եւ դա ես կարող եմ միայն կրկնել:

- Տագնապահարույց է չինական շտամի արագ տարածումը, որքանո՞վ է հնարավոր դրա ի հայտ գալը Վրաստանում:

- Բարեբախտաբար, մեզանում դեռեւս չի վավերացվել ո՛չ հարավաֆրիկյան, ո՛չ բրազիլական եւ ո՛չ էլ հնդկական շտամը: Թեպետ բրիտանական շտամը, որը մեզանում առաջին անգամ ի հայտ եկավ անցյալ տարվա դեկտեմբերին, արդեն տարածում է գտել:

- Ինչո՞վ է վտանգավոր հնդկական շտամը:

- Այն, ինչ Հնդկաստանի մասին գրում են, ցուցադրում լրատվամիջոցները, սարսափելի է, թեւ, եթե հաշվարկն իրականացնենք 100 հազար բնակչի հաշվով եւ համեմատենք թվերը, ապա կպարզվի, որ վարակման ցուցանիշը մեզանում ավելի բարձր է, քան Հնդկաստանում:

- Այդ դեպքում ինչո՞վ է պայմանավորված նման իրարանցումը:

- Հիմնախնդիրը ստեղծում է Հնդկաստանի առողջապահության ծառայությունը, իսկ մեր առողջապահության համակարգը դրանից շատ ավելի ծանր իրավիճակը կարողացավ հաղթահարել անցյալ տարվա նոյեմբեր-դեկտեմբերին: Գլխավորն այն է, որ մեր համակարգը, համոզված եմ, հաղթահարում է եւ կհաղթահարի իրավիճակը:

Ոմանք այդ հիվանդությունը հեշտությամբ հաղթահարեցին, սակայն դա չի նշանակում, որ այն չի դառնա մեր հարազատների, ընկերների, մերձավորների կորստի պատճառ: Չեմ հավանում, ինչո՞ւ ենք կորցրել միմյանց զգուշությամբ վերաբերվելու ունակությունը: Հասկանալի է, որ բոլորս էլ ցանկանում ենք ուրախ ժամանցներ բարեկամներին, ընկերներին շրջապատում: Սակայն դրա համար չպետք է զոհաբերենք ծնողներին, ընկերներին, բարեկամներին... Ցավոք, մախտոք չի կարելի կանխատեսել, թե այդ հիվանդությունն ում վրա ինչպես կազդի: Ակնհայտ է, որ ոմանք հետապնդում են քաղաքական նպատակներ, եւ որքան իրավիճակը ծանր է, այնքան բարվոք է նրանց համար: Ոմանք էլ կրթության պակաս ունեն, սակայն այսօրվա դրությամբ, բոլորս պետք է հետեւենք մի նպատակի՝ զգուշությամբ վերաբերվենք միմյանց:

- Ինչո՞ւ են «AstraZeneca»-ն եւ «Pfizer»-ը սահմանվել 55-ից բարձր տարիք ունեցողներին, իսկ «Sinovac»-ը եւ «Sinopharm»-ը՝ ցանկացած տարիքի մարդկանց:

- 55-ից բարձր տարիք ունեցողների համար սահմանվեց այն պատճառով, որ առաջին ռիսկի խումբն է, եւ դա կենսական նշանակություն ունեն: Առանձին երկրներում, այդ թվում նաեւ մեզ մոտ, գտան, որ վերոնշյալ պատվաստանյութերը շատ ավելի օգտակար կլինեն: Չէ՞ որ պատվաստանյութի ընտրությունն իրականացվում է օգտակարության եւ ռիսկի գնահատմամբ:

- Իսկ ի՞նչ տարբերություն կա «Sinovac»-ի եւ «Sinopharm»-ի միջեւ:

- Միևնույն տեխնոլոգիաներով պատրաստված պատվաստանյութեր են, թեւ արտադրողները տարբեր են: Նշենք, որ առողջապահության համաշխարհային կազմակերպության կանոնադրությամբ, հավաստագիր տրվում է ոչ միայն պատվաստանյութին, այլեւ դրա արտադրողներին:

- Ասում են, որ չինական պատվաստանյութի կողմնակի ազդեցությունը քիչ է: Որքանո՞վ է դա համապատասխանում իրականությանը:

- Ո՛չ, դա հավաստի տեղեկություն չէ, թեւ հետազոտությունների երրորդ փուլում «Sinopharm»-ը ցուցաբերեց բարձր արդյունավետություն: Իսկ ինչ վերաբերում է կողմնակի ազդեցություններին, ապա պատվաստանյութը պատրաստվել է ավանդական մեթոդներով: Ուստի, զարմանալի չէ, որ կողմնակի ազդեցությունները քիչ են: Ի տարբերություն արդի տեխնոլոգիաներով պատրաստած պատվաստանյութերի, թեպետ դրանց արդյունավետությունը մի փոքր ավելի է, սակայն ավելի են նաեւ կողմնակի ազդեցությունները:

ի, մահացածներից՝ 4 371-ի, ապաքինվածներից՝ 210 464-ի: Ադրբեջանում վարակվածների թիվը կազմում է 331 883 մարդ: Վարակից մահացել է 4 839, ապաքինվել՝ 319 271 մարդ: Վրաստանում, վերջին տվյալներով, վարակվել է 335 769, մահացել՝ 4 569, ապաքինվել՝ 316 389 մարդ: Մայիսի 21-ին կորոնավիրուսով վարակման 1064 նոր դեպքերից 543-ը Թբիլիսիում է, Աջարիայում՝ 125, Իմերեթիում՝ 99, Քվեմո Քարթլիում՝ 62, Շիրա Քարթլիում՝ 25, Գուրիայում՝ 7, Սամեգրելո-Չենո Սվանեթիում՝ 104, Կախեթիում՝ 47, Սցխեթա-Մթապետիում՝ 17, Ռաճա-Լեչխումիում եւ Քվեմո Սվանեթիում՝ 17, Սամցխե-Ջավախեթիում՝ 18:

- Տեղեկություն է տարածվել է, իբր առաջին եւ երկրորդ պատվաստումների միջեւ ընկած ժամանակահատվածում վարակվել է 300 մարդ:

- Պատվաստումից հետո, պետք է անցնի որոշակի ժամանակ, որպեսզի մարդն իրեն պաշտպանված համարի: Երբ անձը պատվաստվում է ինկուբացիոն ժամանակահատվածում, հնարավոր է վարակվի, քանի որ պատվաստանյութը չի կարողանում լիարժեք գործել, թեւ նման դեպքերում, հիվանդությունը շատ թեթեւ է անցնում:

- Երկրորդ պատվաստումից հետո, որքա՞ն ժամանակ է պետք, որպեսզի մեզ համարենք ապահովագրված, եւ որքա՞ն ժամանակով կշարունակվի այդ ապահովագրումը:

- Երբեք համոզված չենք կարողանա ասել, որ ամեն ինչ կարգավորված է, քանի որ 100 տոկոսով ոչինչ տեղի չի ունենում: Ինչ վերաբերում է ապահովագրական ժամանակին, ապա այդ մասին ոչինչ չեն կարող ասել, քանի որ հետազոտությունները շարունակվում են: Տվյալ պարագայում կարելի է այն է, որ պատվաստումը փրկում է մարդկանց, դրա ապացույցն այն փաստն է, որ այն երկրներում, որտեղ բնակչության կեսից ավելին պատվաստվել է, մահացությունը, վարակումների թիվը կտրուկ պակասել են:

- Մինչեւ պատվաստումը որքանո՞վ է պարտադիր համարման անալիզի անցկացումը:

- Ոչ մի անալիզի կարիք չկա, մարդկանց ստիպում են իզոլր փող ծախսել:

- Կովիդով հիվանդանալուց հետո, որքան ժամանակ է անհրաժեշտ պատվաստում անցնելու համար:

- Այսօրվա դրությամբ, Վրաստանում գործող կարգի համաձայն, վարակի հաստատումից 120 օր հետո կարելի է անցնել պատվաստում:

- Լսել ենք՝ այն մարդկանց, ովքեր ընդունում են կարդիոնազմիչ, խորհուրդ է տրվում դրանից խուսափել պատվաստումից մեկ օր առաջ եւ պատվաստումից հետո, մեկ երկու շաբաթվա ընթացքում:

- Դա չի համապատասխանում իրականությանը, ով ինչ դեղորայք ընդունում է, պետք է շարունակի ընդունել: Ըստ երեւույթին, իմ գործընկերներից ոմանք չափից ավելի զգուշություն են ցուցաբերում, երբ նման խորհուրդներ են տալիս:

- Որքանո՞վ է թույլատրելի պատվաստումը հղիներին:

- Ներկա դրությամբ, կիրառվող պատվաստանյութերի ազդեցությունը հղիների վրա դեռեւս ուսումնասիրված չէ: Ուստի, գերադասելի է ցուցաբերել զգուշություն, մինչեւ հարցը մանրամասն ուսումնասիրվի:

- Եթե կարողանանք պահպանել պատվաստման ներկայիս տեմպերը, ավելին, այդ ցուցանիշը բարձրացնենք, կարո՞ղ ենք համոզված լինել, որ 2022 թվականը Վրաստանում կսկսվի՞ որպես Covid-ի վերջի սկիզբ:

- Բացառված չէ, որ 2022 թվականը, իրոք, դառնա կովիդի վերջի սկիզբը, թեպետ դրա նախադրյալը այս տարվա ընթացքում պատվաստման թվի առավելագույնի ապահովումն է:

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆԳՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ՆԻԿՈՒ ՓԱՇԽՅԱՆ. «ՄԻՋԱՆՑՔԱՅԻՆ» ՏՐԱՄԱԲԱՆՈՒԹՅԱՄԲ ՀԱՐՑ ԶԻ ՔՆՆԱՐԿՎԵԼ, ԶԻ ՔՆՆԱՐԿՎՈՒՄ ԵՎ ԶԻ ՔՆՆԱՐԿՎԵԼՈՒ»



Նշելով, որ Ադրբեջանի զինված ուժերի ստորաբաժանումները պետք է լքեն Հայաստանի ինքնիշխան տարածքը, վարչապետի պաշտոնակատարը միաժամանակ ընդգծեց, որ իրավիճակը պետք է լուծվի դիվանագիտական ճանապարհով, խաղաղ ճանապարհով: - Ընդհանուր առմամբ, Ադրբեջանի

Մայիսի 19-ին Հայաստանի վարչապետի պաշտոնակատար Նիկոլ Փաշինյանի գլխավորությամբ կայացավ խորհրդակցություն, որտեղ Նիկոլ Փաշինյանն անդրադարձավ Սյունիքի եւ Գեղարքունիքի մարզերում սահմանային իրադրությանը:

գործողությունները համարում են ապակառուցողական: Նրանք տարածաշրջանի լարվածությունն ավելացնելուն միտված քայլեր են ձեռնարկում: Մեր զննահատուկն այն է, որ նրանք այս գործողություններով փորձում են վիժեցնել 2020 թվականի նոյեմբերի 9-ի եւ 2021 թվականի հունվարի 11-ի հայտարարությունների հետագա իրագործումը:

Հիշեցնեն՝ հունվարի 11-ի հայտարարությունը վերաբերում էր տարածաշրջանային կոմունիկացիաների

բացմանը եւ տարանցիկ բեռնափոխադրման հարցերի կարգավորմանը: Ուզում են ընդգծել, որ Հայաստանի Հանրապետությունը ոչ միայն շահագրգիռ է տարածաշրջանային կոմունիկացիաների բացմամբ, այլև սա համարում ենք մեզ համար կարելու տնտեսական առաջնահերթություններից մեկը: Բայց նաև ուզում են կրկին ընդգծել, որ Հայաստանը երբեք չի քննարկել եւ չի քննարկելու «միջանց-քային» որեւէ տրամաբանություն: Մենք խոսում ենք տարածաշրջանի կոմունիկացիաների բացման մասին,-հայտարարեց Նիկոլ Փաշինյանը:

ԱՐԿԱՐԻ ՏԵՐ-ԹԱՊԵՎՈՍՅԱՆԻ (ԿՈՄԱՆԴԱՆՏԻ) ՀԵՏՄԱՀՈՒ ԵՆՈՐՉՎԵԼ Է ԱԶԳԱՅԻՆ ՀԵՐՈՍԻ ԿՈՅՈՒՄ

Հիմք ընդունելով վարչապետի միջնորդությունը Հայաստանի Հանրապետության նախագահ Արմեն Սարգսյանը հրամանագիր է ստորագրել Հայաստանի Հանրապետության զինված ուժերի սպեցնախնամ եւ կայացման, հայրենիքի պաշտպանության ու անվտանգության ապահովման գործում մատուցած բացառիկ ծառայությունների համար, գեներալ-մայոր Արտուր Թադեոսյանին (Արկարի Տեր-Թադեոսյան (Կոմանդոս) հետմահու Հայրենիքի շքանշանով պարգևատրելու մասին:



Ծնունդով թբիլիսյի գեներալ-մայոր Արկարի Տեր-Թադեոսյանը 82 տարեկան հասակում վախճանվեց ընթացիկ տարվա մարտի 31-ին:

ՄԵՉՎԱՅՎԵՑ ՀԱՅԱՍՏԱՆԻ ՍԵՎՏԱՆԳՈՒԹՅԱՆ ԽՈՐՀՐԳԻ ՆԵՐՍ



Մայիսի 16-ին Հայաստանի վարչապետի պաշտոնակատար Նիկոլ Փաշինյանի գլխավորությամբ անցկացվեց Անվտանգության խորհրդի ընդլայնված կազմով նիստ: Նիստում քննարկվեցին հայ-ադրբեջանական սահմանին ստեղծված իրավիճակի կարգավորման ուղղությամբ բանակցությունների ընթացքին եւ Հայաստանի ինքնիշխան տարածքի անջեռնմխելիության ապահովմանն ուղղված հեղափոխական քայլերին վերաբերող հարցեր:

ՀԵՆՈՒՄՈՍԱԶՐՈՒՅՑ` ՀԱՅԱՍՏԱՆԻ ԵՎ ՌՈՒՄԱՍՏԱՆԻ ՍԵՎՏԱՆԳՈՒԹՅԱՆ ԽՈՐՀՐԳԻ ԶԱՐԿՈՒՄՆԵՐԻ ՄԻՋԵՎ

Մայիսի 17-ին Հայաստանի անվտանգության խորհրդի քարտուղար Արմեն Գրիգորյանը հեռախոսազրույց է ունեցել իր ռուս գործընկեր Նիկոլայ Պարտուշևի հետ: Կողմերը քննարկել են հայ-ադրբեջանական սահմանին ստեղծված իրավիճակը եւ անդրադարձ կատարել այս հարցի առնչությամբ վերջին զարգացումներին: Ստեղծված իրավիճակին ՀԱԿԿ արձագանքման տեսանկյունից քարտուղար Գրիգորյանը կարեւորել է ՀԱԿԿ անդամ պետությունների Անվտանգության խորհուրդների քարտուղարների կոմիտեի նիստի հնարավոր անցկացումը:

ԵՎՐՈՊԱՅԻ ԽՈՐՀՐԴԱՐԱՆԸ ՀԱՏՈՒԿ ԲԱՆԱԶԵՎՈՎ ՎԵՐԱՀԱՍՏԱՏԵՑ ՀԱՅՈՑ ՑԵՂԱՄՊԱՆՈՒԹՅԱՆ ԾԱՆԱԶՈՒՄԸ

Մայիսի 19-ին Եվրոպական խորհրդարանը քվեարկության արդյունքներով հաստատեց Թուրքիայի վերաբերյալ բանաձև-զեկույցը, որով կառույցը վերահաստատում է Հայոց ցեղասպանությունը ճանաչելու իր կոչը: Թուրքիային նաև կոչ է արվում զերծ մնալ որեւէ հակահայկական քարոզչությունից ու աստիճանային խոսքից եւ լիարժեք հարգելու հայկական մշակույթը պաշտպանելու իր համընթացությունները:

Չեկույցում մի քանի անդրադարձ է արվում նաև Լեռնային Ղարաբաղի հակամարտությունում Թուրքիայի բացասական դերին: Մասնավորապես, Եվրախորհրդարանը դատապարտեց այն փաստը, որ Թուրքիան ռազմական գործողություններին վերջ դնելու եւ ԵԱՀԿ Մինսկի խմբի համախառնագիտության ներքո խաղաղ բանակցությունների վերսկսման կոչեր անելու փոխարեն, որոշեց անվերապա-

հորեն աջակցել Ադրբեջանի ռազմական գործողություններին, նպաստել դրանց շարունակմանը՝ դրանով իսկ դիմելով իրահրող հռետորաբանության եւ նպաստելով լարվածության սրմանը, այլ ոչ դրա նվազմանը, Սիրիայից եւ այլ վայրերից օտարերկրյա զինյալների տեղափոխումը Լեռնային Ղարաբաղ, ինչպես դա հաստատվել է ԵԱՀԿ Մինսկի խմբի համախառնագիտելի կողմից:

ԸՆԴՀԱՆՈՒՐ ՆԵՐԴՐՈՒՄՆ ԱՎԵԼԱՑՎՈՒՄ Է 13 ՄԻԼՈՆ ԴՈՒԼԱՐՈՎ

Հայաստանի կառավարությունը հավանություն տվեց Հայաստանի եւ Ամերիկայի Միացյալ Նահանգների միջև «Առավել մասնակցային, արդյունավետ եւ հաշվետու կառավարման զարգացմանն ուղղված համագործակցության համաձայնագրի» փոփոխության ստորագրման առաջարկությանը:

Փոփոխություն համաձայն Հայաստանին տրամադրվող ԱՄՆ աջակցության ընդհանուր գումարն ավելանում է 12 940 000 ԱՄՆ դոլարով՝ նախատեսվող ընդհանուր ներդրումը հասցնելով մինչեւ 64 340 443 ԱՄՆ դոլարի՝ համա-

ձայնագրի ներքո ծրագրերի իրականացումը շարունակելու նպատակով:

Փոփոխության նախագծով ավելացվում է նաև Հայաստան ներդրումը՝ 7,929,286 ԱՄՆ դոլարից դարձնելով 11,047,369 ԱՄՆ դոլար: Լրացուցիչ ֆի-

նանսական հատկացումները նախատեսվում են ծրագրի Արդար եւ ժողովրդավարական կառավարում ուղղությամբ, մասնավորապես՝ իրավունքի գերակայության ու մարդու իրավունքների, պատշաճ կառավարման, քաղաքական մրցակցության եւ համաձայնության ձեւավորման, քաղաքացիական հասարակության ուղղություններին, ինչը կխթանի համաձայնագրով ամրագրված նպատակների առավել արդյունավետ իրականացումը:

ՎՐԱՍՏԱՆԸ ԵՐՐՈՐԴՆ Է ՀԱՅԱՍՏԱՆ ԱՅՅԵԼԱԾ ԶԲՈՍԱՆՐԶԻԿՆԵՐԻ ԹՎՈՎ

Այս տարվա առաջին եռամսյակում Հայաստան է ժամանել 86 հազար 524 զբոսաշրջիկ, ինչը, 2020 թվականի հունվար-մարտի 307 հազար 590-ի համեմատ, նվազել է 71,9 տոկոսով:

Հայաստանի վիճակագրական կոմիտեի տվյալներով, ամենաշատ ժամանել են Ռուսաստանի քաղաքացիություն ունեցող անձինք՝ 30 հազար 213 մարդ: Ամենաշատը ժամանել են հենց Հայաստանի քաղաքացիություն ունեցող անձինք՝ 26 հազար 633: Նրանք հիմնականում այն հայերն են, որոնք բնակվում են աշխարհի տարբեր երկրներում:

Երրորդ տեղում Իրանի քաղաքացիներն են՝ 9 394 մարդ: 2021-ի հունվար-մարտին Հայաստան է ժամանել հարեւան Վրաստանի քաղաքացիություն ունեցող 8 հազար 911 զբոսաշրջիկ, 2 094 ԱՄՆ քաղաքացի, 2 018 Ուկրաինայի քաղաքացի, 1 185 Ֆրանսիայի քաղաքացի, 731 Բելառուսի քաղաքացի, 578 Գերմանիայի քաղաքացի: Ոչ փոքր թվերով

ժամանել են նաև Բելգիայի, Արաբական Միացյալ Էմիրությունների քաղաքացիներ, լիբանանցիներ, Իտալիայի, Իսպանիայի քաղաքացիներ:

Իսկ ինչ վերաբերում է Հայաստանից մեկնած զբոսաշրջիկներին, ապա 2021-ի հունվար-մարտին Հայաստանից մեկնել է 44 հազար 574 զբոսաշրջիկ, 2020-ի նույն ժամանակի 274 հազար 435-ի համեմատ:

Հայաստանում, կորոնավիրուսային համավարակով պայմանավորված 2020 թվականին արտակարգ դրությունը եւ սահմանափակումները մտցվել էին մարտի 16-ից: Առաջին երկու ամիսը երկիրն ապրում էր բնականոն հունով, եւ սահմանափակումներ չկային:

ՊԱՐԶԱԲԱՆՈՒՄՆԵՐ` ՀԱՅԱՍՏԱՆ ՄՈՒՔ ԳՈՐԾԵԼՈՒ ԸՆԹԱՑԱԿԱՐԳԻ ՓՈՓՈԽՈՒԹՅՈՒՆՆԵՐԻ ԸՈՒՐԶ

Հայաստանի արտաքին գործերի նախարարությունը պարզաբանել է Հայաստան մուտք գործելու COVID-19-ի հետ կապված ընթացակարգի փոփոխությունները:

Մասնավորապես, Հայաստանի կողմից հաստատված փոփոխության համաձայն, Հայաստանի տարածք մուտք գործելիս՝ ներկայացվում է կորոնավիրուսային հիվանդության (COVID-19) ախտորոշման ՊՇՈ հետազոտության բացասական արդյունքը հավաստող առավելագույնը 72 ժամ վաղեմության սերտիֆիկատ (սերտիֆիկատը պետք է լինի հայերեն, ռուսերեն կամ անգլերեն՝ հետազոտությունը/պատվաստումն իրականացրած բժշկական կառույցի բոլոր կոմտակտային տվյալները եւ ղեկավարի անունը պարունակող ձեւաթղթով՝ նշելով հետազոտված/պատվաստված անձի անուն ու

ազգանունը, անձը հաստատող փաստաթղթի համարը, ծննդյան տարեթիվը, հետազոտության արդյունքը, պատվաստանյութի արտադրական անունը, սերիան, առաջին եւ երկրորդ դեղաչափի ներարկման տարեթիվը, ստորագրված կազմակերպության ղեկավարի կողմից ու հաստատված կազմակերպության կնիքով), կամ կորոնավիրուսային հիվանդության (COVID-19) դեմ ամբողջական պատվաստված՝ երկու դեղաչափ, երկրորդ դեղաչափը երկիր մուտք գործելու օրվանից նվազագույնը 14 օր առաջ ներարկված լինելը հավաստող սերտիֆիկատ: Բացասական թեստի կամ պատվաստ-

ման սերտիֆիկատ չի պահանջվում մինչեւ 1 տարեկան երեխաների համար:

Օտարերկրացիների համար Հայաստան մուտքը շարունակում է բաց մնալ ինչպես օդային, այնպես էլ՝ ցամաքային ճանապարհով:

Կորոնավիրուսային հիվանդությանը (COVID-19) պայմանավորված Հայաստանի տարածքում կարանտինը սահմանված է մինչեւ 2021թ. հուլիսի 11-ը:

«ԱՐՄԵՆ» համակարգում գրանցված անձանց դեպքում պատվաստման սերտիֆիկատը կարող է ներկայացվել ArmedeHealth բջջային հավելվածով: Անձը կարող է բջջային հավելվածով կամ բջջային հավելվածից արտահանված թղթային տարբերակով ներկայացնել պատվաստման վերաբերյալ

տեղեկանք՝ պաշտպանված QR կոդով:

Սերտիֆիկատ չունեցող անձինք ենթակա են նմուշառման օդանավակայանում կամ ցամաքային սահմանի անցման կետերում եւ պարտադիր ինքնամեկուսացման՝ մինչեւ ՊՇՈ հետազոտության բացասական արդյունքի ստացումը:

Չննության արդյունքներով, անձի նկատմամբ կիրառվում է հոսպիտալացում, եթե առկա են համապատասխան ախտանշաններ: Բացասական թեստի կամ պատվաստման սերտիֆիկատ չներկայացրած եւ նմուշառումից կամ հետազոտությունից հրաժարվելու դեպքում, կիրառվում է մեկուսացում 14 օրացուցային օրով:

ՊՇՈ հետազոտության հետ կապված ծախսերը հոգում է քաղաքացին:

ԵԿԵՂԵՑԱԿԱՆ

ՄԱՅԻՍ

23.05.2021 Հոգեգալուստ (Պենտեկոստե)

Առաքյալների վրա Սուրբ Հոգու իջման հիշատակության տոնն է, որ տեղի է ունեցել Սուրբ Հարության հիսուներորդ օրը: Այդ պատճառով էլ Հոգեգալուստը միշտ տոնում են Ջատկից հիսուն օր հետո:

Հայ Առաքելական եկեղեցու կողմից սահմանված տարվա չորս եղանակի պահքերից եղիական պահքը ամառնամուտի շաբաթապահքն է: Ինչպես մյուս եղանակների պահքերը, եղիական պահքը եւս եկեղեցական որբել տոնի պատրաստությունն է: Ըստ ավանդության, եղիական է կոչվում միայն այն պատճառով, որ նախորդում է շաբաթապահքի հաջորդ կիրակիին՝ եղիա մարգարեի հիշատակության տոնին: Ամառվա այս պահքն սկսվում է Հոգեգալուստյան կիրակիին հաջորդող օրը (պահքի բարեկենդանը՝ Հոգեգալուստյան կիրակի): Ջատկի օրվա փոփոխման հետ պահքի սկիզբը կարող է փոփոխվել մայիսի 11-ից մինչեւ հունիսի 14-ն ընկած ժամանակահատվածում: Մյուս եղանակների պահքերի նման, այս պահքը եւս տեւում է 5 օր՝ երկուշաբթից ուրբաք:

ԵՐԿՐՈՐԴ ԾԱՂԿԱԶԱՐԴԸ ԹԲԻԼԻՍԻ ՍՈՒՐԲ ԷԶՄԻԱԾԻՆ ԵԿԵՂԵՑՈՒՄ



2021 թվականի մայիսի 16-ին, Թբիլիսիի Հավաքարի Սուրբ Էջմիածին եկեղեցում տոնակաճորեն նշվեց Երկրորդ Ծաղկազարդը:

Վիրահայոց թեմի առաջնորդ Տեր Կիրակոս վարդապետ Դավթյանի հանդիսապետությամբ, Սուրբ Եւ Ամնահ պատարագ մատուցեց այդ օրերին Թբիլիսիում հյուրընկալվող Հայ Առաքելական Սուրբ եկեղեցու ԱՄՆ-ի Արեւմտյան թեմի ավագ քահանա Տեր Նարեկ Մատարյանը:

Հավարտ Սուրբ պատարագի, Հայոց եկեղեցու նվիրյալ հարգարժան տիկին Նաիրա Մարկոսյանի կողմից եկեղեցու բակում կատարվեց մատաղով հյուրասիրություն:

ՄԱՅՐԱՔԱՐԱՔ

466 ԱՎՏՈՏՆԱԿՆԵՐԻ ՏԵՂՈՒՄ ԿԾԱՂԿԻ 34 ՊՈՒՐԱԿ

Թբիլիսիի քաղաքապետարանի՝ մայրաքաղաքի բարեկարգման եւ զարգացման ծրագրի շրջանակներում, կոնկրետ միջոցառումներ են իրականացվում քաղաքի կանաչ գոտում ընդլայնման ուղղությամբ:

Մասնավորապես, այդ ծրագրի շրջանակներում 466 ավտոտնակների տեղում քաղաքապետարանի նախաձեռնությամբ կառուցվել է 34 պուրակ:

Մայրաքաղաքի փոխքաղաքապետ Իրակլի Խմալաձեն, համոզեց գալով քաղաքաշինական քաղաքականության ոլորտում իրականացված նախագծերի ու միջոցառումների մասին զեկույցի շնորհանդեսին, նշեց.

- Ավտոտնակների փոխարինման ծրագիրը շատ կարեւոր որոշում է քաղաքապետի կողմից, որը վառ օրինակ է այն բանի, թե ինչպես կարելի է կարեւոր քաղաքային բարիք ստեղծել մեկ պարզ որոշմամբ: Մեր քաղաքի թաղամասերում 466 ավտոտնակներ բնակչության հետ հարողակցության միջոցով եւ զանգեղաների ակտիվ աշխատանքի արդյունքում փոխարինվեցին 34 նոր պուրակներով:



ասաց Իրակլի Խմալաձեն:

Ըստ Թբիլիսիի փոխքաղաքապետի, քաղաքում լրացուցիչ 4 000 000 քառ.մ տարածք ստացել է կանաչ տարածքի կարգավիճակ, եւ պուրակների համար սահմանվել է եւս հինգ նոր տարածք:

«ՎՐԱՍՏԱՆ»

ՀԻՇՆԱԿԻ ԽՈՍՔ

ՀՈՎՀԱՆՆԵՍ ՄԿՐՏՅԻ ԳՈՒԲԱՐՅԱՆ

Հովհաննես Դուրգարյան, անձնավորություն, ում մասին կարելի է երկար խոսել. Ապրեց ընդամենը 63, թեպետ կյանքով հագեցված տարիներ: Ծնվել է Ախալցխայի շրջանի Ջուլդա գյուղում: Տեղի դպրոցն ավարտելուց հետո, ուսումը շարունակել է Կիրովականի մանկավարժական ինստիտուտում:



Մի քանի տարի անց Դուրգարյանը նրան ստիպում են ավարտելուց հետո վերադառնալ եւ իր ստացած գիտելիքները փոխանցել մատաղ սերնդին:

Իր բնօրրանի հանդեպ սերն ու պատասխանատվությունը նրան ստիպում են ավարտելուց հետո վերադառնալ եւ իր ստացած գիտելիքները փոխանցել մատաղ սերնդին:

Լինելով գիտակ, անաչառ, սկզբունքային, խստապահանջ եւ միեւնույն ժամանակ բարոյական մարդ՝ իր կյանքի ընթացքում նա տարբեր հաստատություններում զբաղեցրել է տարբեր պաշտոններ, սակայն նրա կոչումը ուսուցիչն էր, ինչին մեծ սիրով եւ պատասխանատվությամբ էր վերաբերվում.

2011- 2012 թվականներին Հովհաննեսը ստանձ-

Ցավոք, անժամանակ մահը կտրեց նրա կյանքի թելը, եւ արդեն մեկ տարի է, որ նա ֆիզիկապես մեզ հետ չէ:

Համձին նրա, նրա շրջապատը կորցրել է շատ լուսավոր անձնավորության, վաստակաշատ ուսուցչի եւ ուղղակի լավ մարդու:

Հանգչիր խաղաղությամբ, սիրելի Հովհաննես, քանի դեռ հիշում ենք քեզ, դու մեր կողքին ես:

ՄԻ ԽՈՒՄԲ ԸՆԿԵՐՆԵՐ

«Վրաստան» թերթի խմբագրության, Պ.Աղամյանի անվան պետհայրամայի թատրոնի աշխատակազմերը ցավակցում են Վիրահայոց թեմի առաջնորդական տեղապահ Տեր Կիրակոս վարդապետին, սիրելի հորաքրոջ՝ **Գոհար Գեւորգի ԴԱՎԹՅԱՆ-ՊԱՊԻԿՅԱՆԻ** մահվան կապակցությամբ:

«Վրաստան» թերթի խմբագրության աշխատակազմը իր վշտակցությունն է հայտնում մեր գործընկեր Սիմոն Կիլաձեին, մոր՝ **Ժուժուժա Իլիայի ճԵՂԵԼԻՉԵԻ** մահվան կապակցությամբ եւ իր ցավակցությունն է բերում հանգուցյալի հարազատներին ու մերձավորներին:



7x7 grid with numbers 1-56 placed in various cells, representing a calendar or puzzle.

Խ Ա Չ Բ Ա Ռ

ՀՈՐԻՉՈՆԱԿԱՆ. 1.Ասորեստանի մայրաքաղաքը: 4.Ե՛վ թունամյանը, Ե՛ւ Այվազովսկին: 8.Սպիտակ կնգուղներով բույս: 10.Դորպատ քաղաքն այժմ: 13.Նար-Դոսի վիպակի հերոսուհի: 14.Տխուր, մեղամաղձոտ: 17.Խորանարդ մետր (կրճ.): 18.Ժամանակի միավոր: 19.Խաղողի տունկը: 20.Գետ Ֆրանսիայում: 22.Շինանյութի տեսակ: 25.Հերոս Գ.Սունդուկյանի «Պետրո» կատակերգությունում: 26.Ծառի ճյուղը: 28.«... գոտի ըլնեն» (ժող.երգ): 29.Ցուցական դերանուն: 30.ՌԴ առաջին նախագահը: 32.Գրական ստեղծագործություն: 33.Շատ վատ, չնչին, մեղ: 35.Վերքի հետքը: 36.Եկեղեցական անոթ: 38.Մարգարե (Աստվածաշնչյան): 41.Կիլիկիայի Հայկական թագավորության մայրաքաղաքը: 42.... Սկալա, ... Պլատա: 43.Երկրաչափական մարմին: 44.Ծաղիկների թագուհին: 45.Շոթա Ռուսթավելու հերոսուհի: 47.Վրաց գրող ճաբուա Ամիրջիբիի վեպը «... Թութաշխա»: 48.«Ամսիտ ճնճուկը ...ի ճանկերից ուզում է որս խլել, խելքի աշեցեք» (Աշուղ Ջիվանի): 50.Լիճ Աֆրիկայում: 52.Ալ.Շիրվանզադեի հերոսուհի: 53.Հայ Առաքելական վանք Թավրիզի ճանապարհին: 54.Ընդարձակ, ոչ մեղ: 55....

ու պատասխան: 56.Կղզի Միջերկրական ծովում: **ՈՒՂՂԱՅՆՅԱՆ.** 1.Հին Բաբելոնի թագավոր: 2.Լեռ Արեւմտյան Հայաստանում: 3.Արաքսի անվանումներից: 4.Սարգի հյուսածը: 6.«... գալիս անց ենք կենում ես անցավոր աշխարհից» (Հովհ.Թունամյան): 7.Կաթնամթերքի ֆիրմա Վրաստանում: 9.Հայ գրող երգիծաբան Լեռ ...: 11.Տամ, տաս, ...: 12.Դաշինք, երգում: 15.Փոստով ուղարկվող ուղեբեռ: 16.Ստորադասական շաղկապ: 21.Հայ փիլիսոփա, թարգմանիչ, Մաշտոցի աշակերտներից ... Կողբացի: 23.Արեգակնային համակարգի մոլորակ: 24.Ստամբուլում լույս ընծայվող հայկական թերթ: 25.Հովհ.Թունամյանի ծննդավայր գյուղը: 27.Շոթա Ռուսթավելու հերոսներից: 31.Լղար, ոչ գեր: 34.Իտալական ֆուտբոլային ակումբ: 37.Վրաց կինոյի դերասան, երգիչ: 39.Տարեցների ակումբ Վրաստանում: 40.Առողջարանային խոշոր քաղաք Լատվիայում: 41.Կոմիտասի երգերի հերոսուհի: 46.Հայ մեծ բանաստեղծ Պարույր Ղազարյանը: 47.Վրաց երգիչ-շոունեն ... Գուրջաձե: 48.Համադասական շաղկապ: 49.Րաֆֆու պատմավեպի հերոսուհի: 51.Լեռ, բարձունք: **Կազմեց Կազմեց ԱՆՆԱ ՍԱՐԻԲԵԿՅԱՆԸ**

ՆԱԽՈՐԴ ՀԱՄԱՐԻ ԽԱՉԲԱՌԻ ՊՍՏԱՍԽԱՆՆԵՐԸ
ՀՈՐԻՉՈՆԱԿԱՆ. 7.Մյուռեն: 8.Ամիկո: 9.Սեն: 10.Վոնոց: 13.Դիեզո: 18.Պոռո: 19.Առաջանալ: 22.Անիլձ: 23.Իդիլիա: 28.Ուտեստ: 29.Բերած: 32.Որմ: 33.Փիսո: 34.Ասանկ: 37.Բոա: 39.Օլգա: 41.Ալսու: 44.Հրատ: 46.Ժորժ: 47.Բաս: 49.Կոխ: 50.Սամսունգ: 52.Ցիան: 54.Գաննա: 55.Դեզա: 56.Յա: 57.Անդին: 58.Ծածկ: **ՈՒՂՂԱՅՆՅԱՆ.** 1.Բուխ: 2.Լեռ: 3.Ժեստ: 4.Կանդ: 5.Թիթեռ: 6.Կոտոջ: 11.Չառա: 12.Ողջի: 14.Իպրիտ: 15.Գորիս: 16.Ինձ: 17.Էլի: 20.Անդրի: 21.Աղածո: 24.Դունա: 25.Լեթա: 26.Ատակ: 27.Դոդր: 30.Եփեկ: 31.Աստա: 35.Ստա: 36.Նոսր: 37.Բոր: 38.Ավտոգեն: 40.Գուսան: 42.Լոբի: 43.Ուժանակ: 44.Հասան: 45.Ակնդի: 48.Ասամ: 51.Սնա: 52.Ցած: 53.Այծ:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ
Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ
Համարի պատասխանատու՝ ԳԱՅԱՆԵ ԲՈՍՏԱՆՉՅԱՆ
Համակարգչային ձեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆՁՅՅԵՄՈ: ՄԾՁԸՈՆԵ ՕՂՕ, Ճ.ՁՄՐԵՅԸՈՆ ԺՅՅԱ 5,
Մեր հասցեն՝ Թբիլիսի 0105 Գ.Աթոնելի փ. 5
ԹՅԸ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՅՅՅԵՄՈ»
ՄԾՁԸՈՆԵ, ՆՅՅՅԵՄՅԸՄ
«ՅՐԱՏՏԱՆ»
Тбилиси, Грузия
«VRASTAN»
Georgia, Tbilisi
Индекс 66445